

Ayera anochi a keda eligi Prins y Pancho infantil, hubenil y grandi pa Aruba su Carnaval



STA. CRUZ-- Como prins cu pancho infantil 'bay - school', a keda eligi Randall Cross y Marcel Kock. Como prins cu pancho hubenil 'seal - scouting' a keda Jamie Croes y Gerald Maduro. Y como prins cu pancho grandi 'no culpa - ami' a sali Raymond Geerman y Daniel Quandus.



36 participante a inscribi pa Festival di Tumba 2006

STA. CRUZ — Ayera tabata dia di inscripcion pa festival di Tumba 2006. Esaki a tuma lugar na Wowo di Casibari di Robert Maduro. Den un ambiente ameno cu presentacion di varios banda musical, e inscripcion a tuma lugar. Inscripcion ta habri ainda y lo cera oficialmente diarazon awor. Ta spera cu ainda lo por logra haya cinco participante mas pa Festival di Tumba. Solo di Pueblo a comprende cu e biaha aki ta un comision di

musico bao presidencia di Robert Jeandor ta encarga pa organiza e festival. Esaki lo no tuma lugar bao capa di ASOMA debi cu ASOMA ta ariba non actief. Aparentemente lo tin cierto problemanan interno den ASOMA, pero esaki lo no afecta e festival di Tumba. Solo di Pueblo ta cla pa duna tur su cooperacion y aporte pa haci e festival aki un exito completo. Si ainda bo kier participa, core busca Robert Jeandor y inscribi bo mes.